

孫淵如先生全集

澄清堂續稿一卷

芳茂山人詩錄第三

草菴攜酒與王七廷瑜至城上飲有懷洪大

禮

吉

草有百回綠顏唯二十紅孤懷逐春暝枯坐與僧同行路知山簡沈名媿陸通醉來須藉冢醒骨白楊風看水曾雙立登城空爾思款關非故客斷樹復新枝獨路飄蓬日幽蹤荷鋤時因君還置酒浮蟻上深卮

寄洪大

莫去危闌北斜當萬里天虛堂零竹雨孤屋篆茶煙
斷雁沈遙札長蹄上故牋此時愁把筆清淚透衣襟
昨夢月先墮星芒燭四更影過花徑失魂入鵠羣驚

落枕吟聲苦循衾暗露生明朝碧山外自道認孤行

游攝山詩

夜飲幽居菴

山寒依虛坳孤月下危壁竹裏噓驚風尊前失狂客
翻翻鵠羣動露草明有跡孤筇此中去雛僕夜安覩
散立各不言危蹲望疑石熒熒平橋上獨影下空碧
藉苔溫寒蟲據柏聽霜朝仙靈呼不起天樂散虛白
歸視伴侶希餘尊倒砂礫

憩桃花澗

寒晏澹良辰缺月挂亭午有懷思窮幽折杖叩僧宇
天垂松青長日薄墮黃補薄掩巖上扉林巒此幽阻

簾支嫋相倚梅骨寒自拄當前澗深裂卻後壁斜豎
花根走紅泉樹杪縣白雨想見三月時谿聲怨無主
心童尙作劇足掉那敢頰願爲巢枝禽不憶山外土

千佛嶺至紫峰閣

連峰入幽懷霧滑又孤往苔枯不畱爪壁削正迎顚
升如挂枝緩行避伏林罅陰厓笑聲落徒旅始驚仰
髮吹空雲邊帶裏古蘿上何人鑿山骨千載不得長
因窮巖墮峙遂造石宇廣微暉慘人顏陰綠集古想
不見前後人金仙坐秋朗

白鹿泉值雨

塵生室幽幽雨合谿濛濛散行窮幽房百步不一逢

竹肥蠶彈衣萍偃魚窺瞳垂亭碧潭裏倚閣蒼蘿中
長廊走峰晉埽翠迷煙空遺歛入鳥語墮魂尋霜鐘
不知何年苔鍵戶生陰紅牆虛椒芬歇沙薄蟲響通
峽雲空裏回誰求賦幽蹤

大風登樓霞峰偕洪大

客心何飛翻曉視風色昏松龍臥雲濤微見爪甲痕
孤懷有同屐薄飲況一尊披衣穿晨光結束儉不溫
疾風吹枯原草斷不得捫挲祛足離地十步猶孤奔
淮流動如絲中有驚駢屯從風去何憂只落江上村
吟隨波間龍飲逐潭下媛歲晏各憶家人氣隨朝暾
勸君時孤來啄木空心魂

七夕

夷羿思故妻素娥辭廣寒玉清竊長庚竄身結幽歎
銀灣鵲駕亦浪傳何物滓穢雲中仙樓頭女兒十三
五朝供練絲暮麻縷人間乞巧不足譏天上幽期豈
堪數我思窮河源上與天地論列宿自有司安得越
職相追奔鳩媒雀訟世亦惡行露毋乃輕天孫誰能
借靈槎一埽俗見渾天邊筐篚日包貢負輓牽牛健
安用不聞今年歲且饑旱魃奪路橫肥遺禾黍枯斷
穀米稀何不令織女下織牛扶犁饑者得食寒得衣
手傾天河注平畦散作雨腳交橫飛虛名無益聽者
疑亦如北斗南有箕七夕之事何端倪嗟爾離合真

細微

山行

得得馬蹄穿亂松臥馬倒看谿頭峯波停已橫斷煙
白月出尙帶斜陽紅鐘聲初沈碧杉杪細竹人家俯
清沼幽牆處處行挂鞭恐有來魂覓長道

正月一日

離羣爭枝日紅斂曙色隔帷青啖啖蘭膏向壁分曉
妍憶昨客至缸華前爆聲砰訇響深屋小弟環階起
相逐愁心已入香燄蘇綠鬢二十驚蘭枯病妻呻吟
藥煙裏取冷披衣起顛倒

夜起步月偕婦王采薇

殘香掩空衾出戶夜寒絕雲肯度月來花稍逗煙出
幽行過籬影微步上庭櫩婢僕各已眠虛扉尚開豁
園空息羣動露響下林末衆青多爭肥艾氣自孤發
各懷幽棲願頗欲避白日君病遂侵肺我愁自淪骨
怪鵬藏深柯長聲豎驚髮回瞻虛簾下燈冷小蟲密
何時入名山共子著書畢

復與王采薇看月

一夕長林響全疑半嶺眠開簾逗懷月滅燭對牀天
肌冷傷愁髓衣單濕夜煙幽歡君莫忘昨日是生前
徐溝道中九日偕舍弟星衡題壁

縣上山光望若煙漚夷澤畔草粘天黃華笑我忘重

九紅葉愁程又一千猶是負書脂後乘可驚中夜著
先鞭再來應有紗籠壁今日題詩其阿連

偶作

暗樹蒙昏曉幽堂暝不開魚腸和血冷獸腦與心灰
鬢綠塵中短顏紅醉裏回惟餘仲卿婦對語一憐才

丹陽村居晚憩

曛黃登前灘昏黑憩征躅風微辨人聲煙定識溪屋
門低樹雙合籬短逕三曲寒蟲抱疎花暝雀逗深竹
問途慙身拙惜景惕程蹙空村獨眠客聞雞舞晨蓐
揚州集方立堂齋中同汪劍潭金婉芳諸君作
黃菊清尊夜漏微貧交相聚尙依稀何能奉倩生猶

樂只認秦嘉客未歸紅燭照顏年少去碧山回首昔游非多因添作他時恨小雨泥深夢款扉

出郭游駱氏園

聞說幽居好林端睇遠岑亂墳行處轉荒竹坐來深
靜倚空村立寒思薄酒斟野塘秋更碧照影逐孤禽
出郭才欹帽穿林又踏輶暫聞知客樂獨往得愁佳
狂許塗人識眠教落葉埋晚來仍索醉知復倒官街

飲王廣文

吉士宅

酒作前宵綠燈銷今夕紅與秋經歲別此樂幾回同
世味霜螯外貧交醉眼中向君狂莫惜他日思無窮
對語惜宵促出門知夜良解衣沾綠鬢散髮落疎霜

獨鶴度雲影 一星爭月光
流聲滿山谷 倚嘯碧天長
曉行句曲道中

山寒初斷靄月曉不收
明暗影出門見羈魂達夜驚
樹濃知鵠在 煙動識人行
無數澗花落晨鶯第一聲
山雨紙錢盡不知
何處墳細花行近見叢篠踏才分
堤樹畱殘蒂湖波定
曉雲生憎人事動日氣又綑緼

江寧道中作

風雪金陵路 羈游未損歡
寒深憐勸飲蔬薄記同餐
見水暉看影尋山約住鞍
僕夫愁路遠私怪客懷寬
自隨園登清涼山以不識路止

褰衣踏荒術 晓霧與山平
苔有古時綠 雪畱天際明

野禽先客立警鶴入煙鳴指點幽棲處風篁近有聲
著述子心壯湖山公業成閒門思剝啄具黍語傾情
問徑幽期愜循途暮靄生只疑峯到眼誰識背山行
攜酒上雨花岡飲醉復渴永寧泉作

寂寞荒臺路狂眠共子來居人驚鑿險行客看檠杯
無復侵袍草空生貼徑苔客心懷舊跡交手步千回

三月四日與
洪大登此

路轉知泉近泠然漱玉乘頽檐難列坐危徑更幽尋
露肘天風冷釣衣竹翠深原頭莫招手正爾作驚音

烏夜啼

驚鳥啼霜頭夜白空翠海綃如不隔機中錦字織未

成寒入蘭堂 一鐙碧鳴鳴 叩閣催望郎
思淚滴石春 苔黃殘星離離掩閨臥 罷瑟虛衾聽鴻過

長相思

天清月出鐙如絲 中堂有客長相思
流螢風吹滿紗 碧華池夜興愁欲瘠
露跡熒熒拾遺魄 美人贈我枯桐琴
欲往報之青松心 君魂馳以南我夢馳以北吁
嗟美人不相識 長繩入井汲月華
游絲罥空求落花 平林交柯路何窄
綠水蕩地天無涯 長相思獨吁嗟

貴家謡

華燈張中堂 白日走相弔 峨虹吸柁空妖狸坐檣笑
主人朝醉谿谷中 花底衷相偕 泰宮黃金堆盤夜爭

諳明日斜封出私第。薦肩倒曳狐尾衣。朝下望履矜光輝。閣門自畜馬羣富。令史更辱名儒爲鳴珂。列戟一朝改七貴。三公復誰在。饒貲入籍充水衡。刺上惡名連四海。前顛後蹶各不看。去作愚鬼空心酸。田廬初與細民業。花石又入豪家園。君不見榮名千春子雲宅。才如嚴徐志琨逃。堂中青鬢易數絲。門外綠蒿深一尺。

得洪大書

故人書來不能奉。心如波濤忽驚涌。持書怪我顏色移。急視淚眼翻昏眵。書中愁多一月併。手不拆書心已省。嘵童起立復坐思。發視却寄城南詩。苔衣綠暗

不能澣藉草只憶扶肩時君家小童亦孤矯並載從
予攝山道君今憶我愛及烏童亦依人似飛鳥酒徒
午日各自歸厯厯夢我長河濱明燈作花不一語暗
室起步空千回菖蒲割腸櫛血色艾葉療愁不堪食
知君背客獨櫂月醉我千觴屈魂側

閨人制衣

何因置綃帙復此制羅衣簾絲熒逗火檐網露懸暉
意懶唯憑几心虛更放幃語停聞雁度燈小任蛾飛
野服殊今制愁要改昔閨還須臥砂磧遲爾寄金微

飲鳥翅岡王閨樓上與林大

崇緝洪大禮吉分

韻得雉字

茲岡閉幽棲花竹寄清美心知異吾土鏡影喜得水
客從朱門來挈榼驚一市嚴風砭腰骼正想熟兩耳
空園旣修折峻閣亦孤峙梅梢入窗缺瞥見紅破蕊
圍鑪未溫顏拓戶已直視煙清看山骨木落數城雉
歲序俄已窮佳游信難恃離多惜歡稀聚久識別始
清娛自秋杪荒晏屢窮晷簪朋旣殊俗萍客況同里
念彼千日憂殫斯一觴喜花時尙一月蓬轉嗟數子
羈孤畏逢春憎悴誠趨死條枯生氣藏華密孕衰理
分題記良辰持用警知己

贈錢塘蔣大令

星耀

早歲人傳二俊名老泉遺集好編成客來三徑風如

昨官與西湖水共清跌宕琴尊他日事團圓賓客故鄉聲須知大海萍還聚無柰雲山感別情

細樹

細樹流寒霧空園積暝煙夢銷清磬後愁在落花前柏髮春來換苔衣雨過鮮眠遲共羸女風露著瑩肩與洪大王七攜酒至城上夜飲同作卽以別洪

大

我狂亦有朋我飲亦有處黃茅菴前一痕路豈意從君復幽步荒敦三丈土作城骨多人少苔蘚橫青蒿刺袂不得過席坐已與人頭平王生儻蕩真酒徒薄暮立倚僧門呼僧家賣酒百回貰折券乃復從提壺

塵中流年酒中事十日歡知別離至誰來蕭閒逐春
暝各有漂零損奇志金陵昔游非我春對語往事悲
殘曛狂歌只合雜庸保賭飲真欲鞭天神空光垂肩
髮飄自此地疑從夢中墮衣邊野蘚積浮綠帶上碧
燐吹冷火我眠君立各一旁對面微辨杯中光飛絲
滿壁熨顏熱游蟻出土窺肌香風蘿蕭蕭挂衣影隔
浦僧呼不能省君行須及醉裏辭眼底數星橫耿耿
洪大屬題雲溪一曲圖竝有黃大景仁影

柳絲初長不盈把竹馬來穿綠陰下三年柳色高入
樓白藤織笈看君游東風吹條撲船尾樓上春眸注
煙底溪頭昔立雙少年對影璧合齊鑒肩橋南折枝

贈橋北露色奉墜春袍前移家只思溪水曲生小多
情飲春綠十年作客樹十圍可惜春人去相續門前
還有渡客航落日對戶搖波光絲青百里或千里已
曳遠夢歸溪堂溪堂幽幽閉誰省沙鳥閒來覓人影
巢林空復借鷁鷁泛海何時聚萍梗我今客久亦厭
山竚憶孤棹空潭還不憂繙塵損白袷但恐鏡沼非
紅顏羈魂茫茫惜君別一夜飛度春波闊泥衣蘚韞
今尚存歲晏更踏山陰雪

題畫冊同洪大作

風軒初來夢如綫暝色團華隔人面疎林月出浮鬢
光石上腕怯蒼根霜蒼根當懷墮熒濕薄扇秋陳障

風立細煙入竹飛暗魂露檻星稀怨螢蟬花繁嫁早
催衰姿只惜年去非相思頰紅還支瘦還鏡儂小閒
愁自扶病

羅衣如雲曳煙濕花底春人背花立翦衾麝潤月墮
檐空香半夜生枯尖梅枝鉤衣影相逐行怯疎闌更
三曲幽暝小妹嘆抱肩露冷橫波看空綠霜肌束佩
寒琤琤上堂暗漏泣五更虛簾風吹夢來去願得銅
鋪守魂住

荅滁州張秀才

龍光

鄰花風吹過牆落書客傷春不升屋開牕憶客歛下
堂屋底秋落夜潛緣去年封書索詩贈今歲詩來感

君病蟄燕初窺醉客廳野棠自發尋醫徑君來十日
別一年繞按百市吟空牋來魂懼逐早潮滯去夢已
立昏燈前青袍幽單髮垂耳遠識夫君瘦相似攀條
只憶隔苑梅欲寄紅灰惜香死我生識子已怨遲便
恐別久非青絲吟愁嘔心苦鋒出況忍減飯勞相思
碧山寥寥眼中路我復題詩報君去門闕獨憶羊仲
蹤壁立誰媒馬卿賦

駱廿二乘槎圖

紫泥之淵浣衣處朔亦曾游飲元露庭前老柏怒不
飛獸鞭枯龍看君去錦袍曉射日脚紅倒曳旬始摩
鴻濛河源千丈落眸子海氣一縷蟠心胸還君此圖

柳生肘我騎長鯨欲東走男兒墮地稟星斗眼底蒼
蠅莫招手

鄉人有言饑民者

僊人活民苦無力只煮華陽洞邊石山枯石熟屑作
糜萬人食石山不辭今年石枯屑不得仙力豈亦因
民疲老榆無皮慘行路已被強梁折薪太得錢甚者
賣作香迺見村中復無樹泉乾喜看河底裂食土一
月兼嘔吐已知旦夕委溝渠反使泥沙葬腸肚中人
活田竭萬錢典衣賃宅絕可憐一升一斗得何補閉
戶食盡身無縣勘災不成或疑詐堂上書生歎悲咤
春泥屑石勿浪傳長吏言遭上官罵

月夜自韓城至邵陽訪朱縣丞 拘口占

滿路泉聲滿壑煙少梁山色暮辛酉月疑安道門前
雪馬作知章酒後船縣榻客來宵正半哦松人喜秩
新遷菊花影裏同懷舊紅燭清歌又隔年去年九月君曾集同予作三十生辰之會

曉征行

衣漉漉雨黑來投主人宿主人室亡餘糜家有屋開
門客我藉草眠狽行跳空梁馬行嘴草來枕邊男兒
請纓當及時金印挂肘須青絲雞膠膠角咿咿起舞
暗影何皇皇疎燈光已微朝百甓莫百甓一夜壯志
先頭白寧衣牽馬急下堂却對曉星磨劒芒

臘月四日偕王半菴莊恂齋舍弟仲璇游蟄厓

白龍池口占一首

霏霏晴日曉風柔山曲春生好試游綠柳漸能迷寺
角碧莎相引到池頭魚知人靜時窺影童喜泉清自
汲流俱是中泠江上客故鄉何日共乘舟

割麥詞

大兒要鎌童拾穗老夫來看歡出淚今年已乞貸主
遲明日還招嗇夫醉谿頭黑雨連夜過室中拍拍生
飛蛾蝗生中田有官撲不似飛蛾飛滿屋墨陰十日
臥穂紅食之吐惡傷心曾天乎罰民亦須養隔歲榆
皮不曾長明年得活任汝生更無餘糧入官帑飛蛾

傷麥爾誰訴夏稅來催打門怒

長安得古印文曰孫喜與子小名同口占一律
土花斑駁掩真朱不在秦殘亦漢餘一代識君非冥
莫千秋得我是相如隨身便抵腰懸綬壓卷新排手
訂書莫笑百年身似客後來人愛倘因予

蔣立厓丈自塞外歸過大梁屬題寫影

朱霞標格月容光愛客曾開綠野堂楚國煙波涵政
蹟天山冰雪洗詩腸相逢馬上成今雨歸去鷗邊有
故鄉他日羊求應過訪蒼松陰古鞠尊香

別長安詩

翩然歸騎出青門草色長亭綠未勻不信朝朝花底

醉東風偷換六番春

不斷霓裳按曲聲無邊銀蠟徹宵明歡餘醉裏成書
易紕繆何曾似子京

洛下東西屋接聯等閒人望若神仙未妨皇甫輕居
易日日危談動四筵子與嚴道甫幾叔之洪稱存王秋隱客節署最久謫論時有不合

廢訪華筵敞翠微姚黃魏紫鬪芳菲元都觀側人如
海不看金貂看白衣王廢訪嘗以暇日招同節錄諸公及予看牡丹與菩寺謂姚黃謂她觀察

曲名新譜句新裁聲妓傳呼起夜來感激明珠盈十
斛買將歌笑爲賢才

重只費長門字數行

紅燈和月影參差每日閒街罷宴遲守尉平生多狎侮不妨馬上細吟詩

醉罷長安又萬年

咸寧古萬年縣

蘭陵美酒入春筵風流兩

令同鄉縣不放青蓮市上眠

時莊丈虛菴

新泣咸寧

信安之

東西招客兩官銜肴核何曾費咄嗟消得尊鱸鄉思

急參軍爲有魯朱家

布政按察經歷兩朱君皆常郡人

紅桃如錦一山明韋杜春波處處生寶馬連錢時倚

玉要看擲果出春城

城南風日入秋清憶得攜朋落拓行雁墻聯吟一長

嘯本來李杜不題名

黃仲則游秦曾與釋存及子訪城南勝蹟

濠梁公子信才豪迎客仙游

一石醪感我琳宮借兵

法飛渠三日鑿城壕

予嘗借抄樓觀道藏中孫子盤屋令莊公子伯鴻適因逃回西

遇謀守禦之術甚至

暨陽太守最相思愛我蟲書學未遲

陶香圃太守好篆書嘗從予問奇

字莫笑當場汗國傳爭誇薄倖趁年時

予同歲太守與

覓句臨書事事忙憐君劇縣得池陽

曾因勾藥開三

徑看到蓮花似六郎

識字時時一座傾著書往往食前成傍人漫說狂如

故北海如今薦正平

一片行雲滯去車踟躅回首日將斜憐才不獨汪倫

好送客長安第一花

雲山須作少年游處處韶光要客西瀨岸春風石城
月梅花應笑柳枝愁

潁州道中閱邸報讀弇山中丞辟雍詩及畱漕
疏稿喜而有作

一品衣看入上台三雍詩就壓蓬萊身依龍尾螭頭
慣筆挾河聲岳色來賓客西都朝輦問蒼生前席

帝顏開衡門我正耽經術莫驟商量薦爾才時擬立

石經

千年城費五年籌中丞在西安修省城升萬糧加卅萬畱一
疏特恩傾四海重臣從古鎮中州雲霄作事皆

垂史風月他時好上樓我趁政成初入洛龍門

伊闢一名

百尺擬同遊

汝南道中寄別熊存甫太守

憐才節度

謂弇山中丞

風流守一代梁園大雅存交到忘

年惟北海飲能十日共平原連雲墻引筇杖健照眼
花圍燭樹昏如此勝遊相失去青山重疊水潺湲

蔡東門

道指平輿開閣論心舊約虛素旆白雲歸丙

舍

太守以內艱歸

碧谿紅葉入匡廬家無長俸能容鶴車有

連鑣爲載書莫憚一帆風力便待君同食武昌魚

時有太守入

之約

賦得鑑不辭形

只有高堂鑑長看似水濶惟懸昭質淨不顯照人能
與月分孤影如冰薄一層去同鴻爪過來比露盤承
止別形妍醜寧於物滯凝環中誰得遁虛受本非矜
應接原無礙空明到上乘清輝符聖鑒日月比
升恒

賦得講易見天心

不讀羲皇易安知造物心九家紛異說真宰杳難尋
久靜還生動微陽漸革陰似圖觀太極如律審元音
數點梅初綻方中月乍臨鄉談千字侈弼學一言深
消息探從古清寧測自今

聖衷通

帝謂編

絕覽書林

題查相國九石圖石自西征攜歸

絕域遙通采石山元戎生入玉門關攜來路比支機
遠滿載裝無薏苡還什襲不逾珍一握九峰長倚廈
干間

中朝將略思前輩砥柱威名鎮百蠻

廿九日同譚同年光祥夜飲口占

紅燭彈箏酒似泉幾人同醉九秋天但論素抱都驚
俗只隔緇塵便若仙黃菊影添聯坐處青山盟在拂
衣前官閒自覺疏狂稱日滿花磚得醉眠

題王秋塍復秉燭堂雅集圖

日下風流未合湮琉璃堂裏醉佳賓聚來海內知名
士曾是天涯落魄人君有金魚沽綠酒我猶珂馬入

紅塵西園圖畫蘭亭序贏得人傳勝蹟新

西苑枝書卽事次宋舍人文翰韻

摘句尋章味久諳重窺中祕字如蠶游仙却勝張華

夢名姓分明在寶函

香案仙班嬾散多新涼一夕換衣羅平明不爲趨朝
起貪在芙蓉苑裏過

研朱滴露數晨昏細葛凝酥賜予均問字子雲長得
醉傭書崔亮漫言貧

槐廳徹省接良游客客裏逢秋且賦秋猶有名山書未
著抽簪却待返滄洲

耳秋山房招同人作消寒飲四首之一

尋鱸風裏去何由自別青山又幾秋一丈軟紅誰把臂十分浮白月當頭杜韓去後稀長句嵇阮來時預此流一笑相逢須茗芋耳邊虛門蟻如牛

醉司命詞

花果經筵此夕開送神神去小徘徊世間儘有尋常嬌不及臨岐酒一杯

來朝香案點朝班幾個神仙謫未還若把酒泉誇上界酒星也要到人間

題慶比部

保畫蝶

新生春草雙飛蝶畫取江南好景來莫被江南人看見夢中都化蝶飛回

前孫公園有宅一區中多變怪居者輒被揶揄
以去自子移居怙然無恙庭前枯松復生因
屬野雲作圖並綴小詩於上方

鄭公書帶天生種田氏荆花再發春只待著書人

到東風吹活老龍鱗

竟夕元亭屏客蹤未妨才鬼一相逢空疎都恐同王

弼也避先生筆舌鋒

陸機入洛遠宿見一少年言元機題緯古今綜覈名實此少年

不甚解將曉去東有王家墓知所憑者王弼也見水經注

癸丑重陽日值日香山口占

樹色爐煙四面環平明策馬翠微閒問君可憶東籬
下自在看山不上山

逸興登臨幾輩同又憐佳節去匆匆神仙上界班行
肅孤負天邊落帽風

宋孝廉葆淳以肆中周簋見示分俸購之口占

奉贈

自攜書劍走風塵魯鼎從君別賡真不耐乘車惟戴
笠古今燕市有奇人

條冰清俸感恩隆售取尊彝辨鳥蟲朱戶何人

誇錫卣應知識字抵論功

次韻寄荅洪翰林亮吉

咫尺鄉園共結廬中年作客比嚴徐盧前我愧無雙
士帝後君畱第七車繆綠場中彈指過輭紅塵

裏閉門居名山各有書千卷莫畏人嗤博士驢

嵩山古柏圖次原韵爲胡大司寇季堂題

尺幅秋齋懸翠影雙株香葉引鸞羣生來定合同申

伯題處何曾讓右軍

溫庭筠柏樹詩有題處尚尋王內史之句

骨格峻畱

泉石性畫圖寒帶雪霜紋嵩山柏共漁洋柳

漁洋先生有秋

桺詩一時傳和一代龍門在白雲

題張刺史道渥墮驢圖

鳳城排日敞離筵蜀道輸君去著鞭却惹神仙都願

謫軟紅塵裏上青天

時同在京邸送之蜀任

胸中邱壑幾人知畫裏風流似古時才子前身山小

影青蓮詩與放翁詩

陸放翁有細雨騎驢入劍門之句

且可談元訪子雲也須沽酒覓文君

揚州夢醒休回

首看到峨嵋月幾分

刺史先爲揚州
分司今宦于蜀

摩挲書畫別長安檢點衣裾謁上官莫笑望塵輕折

節先生只作墜驥看

寒夜小飲次英夢堂相國韵

流水繁華夢易醒談空時愛語泠泠重逢落魄長安客可憶袍痕似草青

小築池亭避俗囂曾聞畫壁爲龍標鳳城若覓題詩處便是南塘第五橋

那惜寒更醉似泥江湖有約把春犁閉門一夕迷花住幾處鳴珂應曉雞

深谷幽蘭氣味孤
寄情瀟灑似君無
棲林我亦殊凡鳥
暫借猶須百尺梧

水屋道人張道遲以畫幅見贈風景甚似竹里江乘之路因憶舊遊口占二首題之

棲霞山下曾遊路木木清華畫幅如不爲鳥私愁未報早拋簪黻換樵漁

廿載江湖落魄名官教局促了平生他時會約騎驢叟同向棲霞道上行

題慶比部保小影

鄴侯風骨晉清談仙使浮槎下斗南絕世襟懷誰似此江波千頃月初三

驛程春柳又飛縣並騎聯吟記昔年此夕扁舟應憶
我清涼山色馬蹄前君俱以上幸五臺之歲僕與
尚書郎扈從西行

仙霞萬疊看山容琴鶴相期厲古風行到西湖重照
影繡衣今日異圖中

望君節鉞有傳衣遲我江東理釣絲也似隨園狂處
士才名全待相公知君爲文端公第十三子文端公
之知袁子才前輩僕常以期君

次韻荅船山翰林見慰墜車之作

慙媿奔車自墜車翻勞賓客到門間求醫幸得千金
術便廢應成一代書物有危機因力盡命多磨蝎悔
名虛八騁縱有前頭路何似江湖戴笠初

又荅船山翰林

十丈塵中觸熱馳
何人博得畫兼詩
前車好作登車鑒
不在平常醉墜時

伯舅淵如先生詩稿凡八卷曰治城絜養集爲卷六
卷七乃辛未歲解組後居金陵所作也已手編付刊
曰澄清堂稿爲卷一卷二亦先生手訂本有圈點悉
仍其舊以賦冠卷首乃館課所僅存者其餘爲王給
諫麟書據去稿中五七古詩半係少作袁太史枚初
閱先生詩驚爲奇才且云少時多作古體詩少作近
體此從源溯流之學也其三四五八凡四卷則外舅
南麓先生屬慶編次並與嚴孝廉可均共相商訂續
而成之茲將丙申以後丁未以前及居京師時所作
者編澄清堂續稿爲第三卷得古今詩一百八首從
子壻龔慶謹識

濟上停雲集一卷

芳茂山人詩錄第四

自願下之官兗州道中卽事

驄馬紅旌靜不喧玉京回首憶高寒三齊名士爭投
刺一路青山送到官使者車單如客過聖人家近借
書看時清不用矜風節慚媿儒冠換豸冠

次韻

趙懷玉

衡門雪後少塵喧有客書來正歲寒行部又添新
得句趨庭卻喜乍遷官桑經注好關心讀魯國山
多放眼看作宦盡如君快意爭教人不想彈冠

韓封

姓氏

天題墨未乾點煙杯水迴生寒得觀海

處皆奇境能讀書人是好官魯國諸生門下列嶧
山傳刻馬頭看遙知兵衛森嚴地猶戴峩峨子夏
冠

王復

排來畫戟淨浮喧驛路陽和未成寒持節行吟瞻
闕里望塵伏謁笑卑官繡衣喜溢庭前舞書尺多
頻帳下看海內才人齊仰首一時爭望進賢冠
次韻答阮芸臺學使同年元柬招卽往厯下之

什

芙蓉池館報花開驛騎傳詩一夕催不爲時需訪碑
使元時設此官也應天與聚星來

原作

阮元

濟南亭館傍湖開湖上西風且漫催萬朵荷花五
名士一時齊望使君來

次韻

吳錫麒

濟南名士燕頻開蓮子湖頭信屢催此去更應清
到骨鵲華秋色馬頭來

張問陶

花底長筵次第開匆匆驪唱莫相催樽前讀畫先
搔首何日明湖載酒來

伊秉綬

車騎東都祖帳開明湖簫管繞城催一從杜老題

詩後名士皆趨厯下來

曾傳臚唱五雲開暫別仙班使節催相送好拈韓

子韻祝君成政更歸來

昌黎送鄭尚書之嶺南序云韻皆以來字者祝

君之成政而來歸地

方體

千年伏鄭面重開

時君授馬鄭古文尚書湖上名流讌集催

絳帳笙歌休散歇使君今抱壁書來

余鵬年

讀畫搆碑生面開詩成不要鉢頻催鐵公祠裏吟
風葉送到欄前作雨來

十月十一日巡視曹單河防作

平沙風緊射征裘近臘冰澌尙急流兩戒忽分南北
毫一杯須障充徐州居民儉歲輸薪束候吏寒更報
水郵龍節一雙來澤國可能當食不糴籌時兼署山東通省運

河道

乙卯歲小春下旬隨李河帥奉翰乘厥舟巡工

沛上是日風寒歸後蒙惠海龍裘賦謝

重臣督濬屏前騶直似乘槎下斗牛民俗共欣瞻露冕衙官也許上仙舟較量頑望三門柱比例詞源萬里流好繼謝公傳七埭年年春水送千艘謝公七埭事見水經

戟門披得翠雲歸似此知音自古稀什襲未應輕換
名塚臺音相近

酒提攜只覺媿傳衣重來東閣春風暖此去南湖朔
雪飛時往南莊湖一帶勘視濬工遇大雪一日拜恩逾挾纊願推公惠
到民依

嘉平望日自沛上回兗州是夕大雪

四番雪澤逐征車余至臺莊南莊魚臺歸夢欣然對及歸兗州皆值雪澤歸夢欣然對
酒鑪他日飛蝗寧入界明年春水早生湖以隔年雪澤旺鋪張東閣開詩境粧點南樓作畫圖孤負登臨泉

好光景朔風向曉又長途

正月十一日同黃小松司馬易至嘉祥山中訪

武梁石室畫象小松作圖紀遊

石室千年爲爾開翠微訪古共徘徊高寒到骨清如

許卻喜無人帶熱來

一雙石闕半埋塵萬樹桃花孰問津只有姓名先我
到前年司馬重葺武氏祠立碑題碑陰摩挲疑是再來身
把臂染園近十年雪鴻忽聚此山前畫圖他日傳佳話金石交情翰墨緣

春日行部曹南道中卽事

千株楊柳萬株花想見春山綠到家不是羽書鳴驛騎一宵魂夢在煙霞

疲舍匆匆去恐遲廉車心跡有誰知褰帷一樣看春色不及江湖跌宕時

斷獄方與歸涉上道中口占

林臯風景似南徐
霧濕紅旌日上初
雀角未消還废舍
雪囊何事又隨車

前到臺莊載抄閱督賈財及巡江南旺皆值雪澤

關心

菏澤分流水

獨山湖卽古菏澤

著手桑經

一卷書旅食匆匆

辭授粲尙慚肘後露金魚

次韻

周雋

乘馳踏雪往來徐
知是甘棠輒訟初
折獄已持金作鏡
飛花便屬雨隨車
胸無世上難平事
腹有人間未見書
模學媿教叨共載
豈應同隊說龍魚

呈謝玉中丞

德賜題先文介公殿試策二律次

韻

萬言射策掇科名
題品今逢一代英
魯國衙官欣立

雪舊官西曹時
公爲舉主蘭陵家學媿登瀛元戎小駐旌旗肅
東閣閒情筆硯精文字倍增風節重清時大雅屬公
卿

冰壺水鏡比身名戴斗才華壓國英愛日再來升岱
觀潤河千里到滄瀛白雲私幸傳衣久華袞全憑論
史精好把驪珠勒圓石幽光隔代慰邠卿

金鄉城西北訪漢扶溝侯朱鮪石室

東緝城北古邱橫誰把桑經問九京清興忽來捫碧
蘚野人相聚看紅旌扶溝功在名灰冷澗水流枯路
砥平幾度滄桑畱片石羊公一過不勝情

和袁太史校除夕告存詩

仙才絕代要傳衣，卻怪蟲魚著述葬。
天遣先生長住世，詩壇贏得替人稀。

題南樓卻扇圖贈吳山尊妹壻

來書誤考揚以爲雕蟲自累

廣樂聲中翠燭然，荆釵出拜畫堂前。
料量嫁事分清俸，不抵長安賣賦錢。

一夕爭傳蕭史來，壻鄉難得有仙才。
他年酒上尋遺蹟，便指南樓作鳳臺。

杜甫南樓在兗州府城內

沛上春波處處生，送君千里到蓬瀛。
畫眉莫費凌雲筆，天子臨軒問長卿。

詔子監司言事恭賦一首

丹詔求言新令甲，監司封事舊章程。
神羊一角猶能

觸大鳥三年已不鳴方鎮儘知民疾苦書生莫市直聲名他時攬轡腳踏甚何策經時答聖明

曹南督送赴楚官兵寄畢制府沅

聖明

一篇墨守寫辛勤手署頭銜上制軍作宦未深思入幕在公幕八年談兵漸慣當論文蕭蕭車馬辭曹渡漠漠雲山望楚氛也似西師埽回鶻番回蠶動時隨公在關中盼公投

筆樹功勳

荅馬秋藥同年

履泰比部

時主講潔源書院將入都補官

厯下相逢酒共傾忽聞北去曳心旌螭頭謁

帝

同時入比部以第九名進士改庶吉士

雞舌趨朝作隊行

子與比部同時

補西曹又同司總未必官清逾客況怕逢人說剩才名五龍

潭上聯吟處他日愁來數落英

予在懇下屢與諸名士會于五龍潭精舍

原作

馬履泰

才人愛慕學人傾同望澹澹使者旌公著自能無
滯事李諧何害作徐行埽除秕政聊攻媿刊盡奇
書賴挂名我欲還朝誇向客國家科第與豪英

感事

看人華屋已成墟笑我青山未結廬西第頌多惟裏
足南華事僻請焚書折腰誤欲煩彭澤長揖終應聽
本初卻愧澄清虛志願芳蘭當路有人鋤

魏比部

成憲

奉使江南過境不晤作詩見懷次

韻奉荅

同寮猶恨隔曹司，況是臨岐悵望時。
天上使星虛候氣，江南驛騎早傳詩。
尊鱸一水鄉心動，雲鳥遺封故跡奇。
東閣朝朝懸榻在，好攜红豆慰相思。

原作

魏成憲

臚雲況是白雲司，膚寸成霖及此時。
近聖人居觀習禮，多名士地愛論詩。
君屬兩峯山人元注裏春行部以水經
注自隨時有考證倉韻圖中昨問奇，
繪倉韻制字圖爲過昔人傾蓋處，折疏麻更寄遙思。

聽鶯圖爲恩觀察作

碧草成茵柳似絲，一雙鶯立最高枝。
使君別有關心事，

處試問春耕已及時

柳浪和聲趁曉風湖山清福比蘇公雙柑斗酒民同樂春在褰帷一笑中

春來舊雨話煙霄似爲嚶聲墻逕邀回首 上林

聞百轉白雲仙侶共趨朝

觀察省爲比部同僚

春及草堂看牡丹

款門兩度入芳筵煮茗清談屏管絃筭味胞供微醉客花光濃照半陰天閒中世事拋身外樂處禪機在眼前

座中潘太史好禪去年試士曹郡

植牡丹盛開

登第一樓東阮中丞元

曲苑夫容放欲齊蘇隄柳絮已停飛迴瞻玉宇千門

近

樓在宮東畔

行平望吳山萬仞低高處元龍時獨立上

頭崔灝看誰題他年想像平津館第一風流數浙西

題張徵君池上草堂畫幘

敬亭深與宛溪通招隱還留桂一叢拋却匡山讀書

處人家池上看芙蓉

朝端此日下蒲輪嶺上何人贈白雲我亦青谿新結
宅北山莫漫有移文

題西谿訪梅圖

萬頃蘆溪記昔遊夕陽無際雪光浮春風不遞梅花
信旅客空乘瓠子舟有約名山誰獨往相逢勝侶是

清流姚黃魏紫曹南譜不抵寒香一樹畱

爲金雲莊比部

德輿

題李憲吉明經

旦華

遺影

因

遺影

畫裏相看有宿緣一編詩翰最翩翩可憐當日人琴

痛恰是顏回髮白年

李君廿九而卒

山陽聞笛共聲吞風義知君夙昔敦我到西湖痛師友一尋宿草一招魂

時謁盧抱經學士墓及訪汪容甫萬嶺園死處

遊湖上玉泉靈隱寺及紫雲金鼓諸洞口占卽

事東朱助教

大樽

素食荒村病舉樽木縵衣重始知春晴天高鳥寧依樹清水遊魚不畏人如此湖山縱放棹曾拋身命去埋輪得逢宋玉忘岐路處處仙源好問津

暄和風日趁幽尋，卻屏肩輿步翠岑山。
面向人常變幻，洞門終古自深沈。
杜鵑花放驚芳節，鷗鳥情多戀故林。
歸路松濤一時發也應天籟爲知音。

湖上看牡丹

春光濃入野人家，曳杖閒遊日易斜。
滿地繁紅正零亂，牡丹只放二分花。

阮中丞五月十二日招同程易疇 瑤田 段懋堂

玉裁
第一樓雅集

神仙同上李膺舟，爲我登臨屏八騶。
積雨中閒晴一日，平湖寬處坐層樓。
漢唐絕業千秋定，吳越才人四座收。
曠代知音數巡酒，臨岐爭忍不淹留。

贈阿臬使

禮布

五年契闊忽升堂
邗水相逢憶去航
秋憲再新衣上繡
春風未著鬢邊霜
曾裁東國棠千樹
只飲西湖水一觴
交似醇醪言似玉
臨岐此意宵相忘

多時經席此因依
一路苔岑聚亦稀
交到袁絲論倜儻
情如平子契元微
盼公江國仍持節
老我名山再拂衣
此去經時迂闊甚
閒雲不稱九霄飛

將抵金陵道中口占

漸江千里忽思親
五日輕舟抵
風信喜同潮信
順客囊知比宦囊貧
書求多積慚廉吏
山不成遊似俗人
欲撫祥琴最惆悵
草堂畱我可經春

贈洪太史

亮吉

秉燭論心已有期尊前霜鬢認依稀我驚駒隙三年
速君自龍沙萬里歸折檻風流成盛節埋輪心事有
危機不知此後方元白可仗文章定是非君前詩有七年我亦

長微之句又云江州司馬

通州倅料理頭銜似昔時

題許秋巖太守

兆椿畫幘

成陰楊柳是誰栽池上夫容趁曉開已製新紝驅溽
暑清風況有故人來

嘉會燕臺瞽眼過都官回首憶鑾坡雲龍剩我隨東
野十九人中聚散多昔官春秋曹謙集都堂中曾入翰林者十九人今少司寇祖舫齋

前鴻臚卿項豫齋請人皆預其列欲作白雲蓬島圖

爽鳩威望鶴形儀萬頃胷中未可窺我亦蒼生瞻露冕每披圖畫當褰帷

聞道中朝憶傅巖政成霖雨在閭閻對君便寫松千尺尙恐丰裁未若鬢

贈鉉大樹

玉

鉉生士而賈游歷齊魯閒手持江子書訪我逾數年我時往河許備兵曹漢邊時督兵防曹單交界發書意想望會合非徒然竭來吳東門把臂開心顏贈我中都志祖德在舊編僕家本鳳陽遇我於里門醉我客舫聯出觀所著書指斥新附篇說經何碰碰腹笥殊便便二徐趙宦光茫如隔霧煙我先窮篆籀同志段與錢段懋玉裁錢堂

獻

之思作石經稿追彷三代前秦邈徒隸書附正體

變遷

僕嘗作石經棄列篆隸正三體古俗互証必求依據

少溫筆雖工六義多

乖愆何以餉後儒鴻都寫千言勤拳鉤生意箴砭俗

識偏說文非僻書大哉

帝命宣

時有請禁說文不宜用之制義

者文非僻書之論上因有說下士有賈心挾冊思夤緣貲郎皆

賈人賄賂通上官誰能貢奇士換述朝章傳長揖莫

釐峯焚卻范蠡船

題何蘭士道生詩卷

冰雪攜來一卷文游蹤檢點惜離羣軟紅塵裏常懷
我太白樓頭不共君

君丁內艱歸

帝里尙畱
棲樹鶴蒼生還望出山雲尊前小別添怊悵冷雨形

溝一夜聞

十月朔日曾都轉燠招飲休園分韻字字

燕城萬井喧秋色浩無主悵然登臨興招此今舊雨
名園倚幽僻勝境隔塵土灌木不記年霜花尙盈圃
茲堂屢易姓傳舍鮮寧宇當時金谷宴可有魯儒廊
高臺倏將夷青史闕無取使君雅敦素太守篤耆古
澄清鬱奇志俛仰思小補移尊就空曠清尙屏幢羽
一作華廉泉設醴飲經濟助談麈吟詩寄情耳聊用壓

韓杜

秦小峴觀察

瀛春谿垂釣圖

未必谿山得自由臨淵我亦愛清流人閒不少魚吞

餌又恐先生用直鉤

芙蓉湖上擬垂綸界石山前好問津如此谿流深幾許可能容得釣鰲人

太液春明首重迴畫圖莫認子陵臺濟時正要經綸手且爲蒼生罷釣來

桂林授經圖爲家方伯

日秉作

陔蘭花發繞階除岫柱叢高近碧虛親授過庭經一卷勝他晏子鑿楹書

北平世澤有淵源早歲科名日下傳誰似吾宗能濟美三蘇名重又斜川

畫裏風裁露性真天涯手足倍情親紫微仙署青谿

宅棣鄂花連一路春

題許秋巖太守問耕圖

三年有積應先問五穀能分詎不如稀稗也須知道
在儒書最古是農書

一麾馳馬本風清江左菜陰處處成若問讀書兼讀
律至尊前席待先生

題張蠡秋

曾虞真

美人駿馬真名士都到林泉勝處來誰信尋幽謝康
樂翩翩華胄又仙才

玉簫金管坐題詩嘯傲青山起未遲白下相逢慚白
髮輸君長似畫中時

馬融石室口占

傳經臺古倚高岑，經術東京到子深。
莫怪生平償不足，要將聲伎換山林。

爲家方伯

日秉

題王蓬心太守所摹董北苑瀟

湘圖

北苑圖中小謝詩雲山迢遞水逶迤，使君按部行春處。
太守含毫望古時，宛在仙舟人約縹似聞天樂竹參差。
十年讀畫聯吟處，回首秦關有所思。

曩見北苑真蹟於關中

署
中節

王觀察

象儀

子署中葺茅茨作詩次韻和之

亭外嵐光自廓如，窗前綠意未全除。
戟門深處還調

鶴案牘清時又展書部屋圖民心事在草堂容我宦情疏論文日有高軒過贏得青谿近結廬

次韻荅洪稚存太史

亮吉

酒痕猶染舊時襟相對居然鬢雪侵結綬蕭朱曾接踵抽簪元白又聯吟及身易定千秋業經世難灰一寸心祇恐未移麋鹿性便遊廣夏憶長林

歸硯圖爲袁綏階

延樽題

一片澄泥硯攜來問字亭摩掌思世澤呵護有先靈什襲仍完璧傳家伴一經我懷吳將印古篆想儀形

予藏家吳將印
文曰孫武私印

題張子白同年大令若采西涼春色圖卽送之

任

短衣匹馬便孤征 帝識循良在此行邊徼如今
要民牧請看才子作長城

崑崙山接賀蘭天一片河湟落眼前君問富民渠在
否下車新政是農田

百二秦關訪古迴驚人詩句達燕臺崆峒華岳題名
到何似看山入剡來

知君驛路最相思我亦愁看贈別詩他日西湖重訪
古半閒堂址獨來時

題畫

一株疎柳一株楓斜應懸厓落照紅多少間雲爭出

上傳第一卷
古
岫讀書人在萬山中

石田遺跡辨能真淡處深含四座春樂下知音得賢
主豐城望氣更何人

偕洪稚存探梅隨園飲小倉山房次韻

一代靈光入冢時百城文史付佳兒尊閣文舉連宵
燕腹痛橋公曠世知古樹著花先歲發冷雲含雨出
山遲中年小別闋情甚添得新霜在鬢絲

蘇文忠祠堂圖爲秦小峴觀察作

千秋詩客有前因手薦春蘭到水濱祠宇不摧人代
好湖堤無恙柳條新嘉平終古思生日循吏重來是
後身我媿褰帷難暖席山陽水利屬何人

張穆庵轉運

映瓊

屬題雲在山莊圖所寫歷下

某氏園也

琅玕影入碧波紋畫裏林亭竟屬君此日東南要霖雨在山雲作出山雲

只餐山翠與湖光攬轡清風動路旁若畫使君行部處一行隄柳一株棠

褰帷我亦到明湖厯下名園好在無畢竟蓬廬同是客千秋畱得輞川圖

白公祠爲任太守

兆炳作

白公隄上新祠宇訪古曾經展拜頻水利繼成千載政辦香元有再來人兩朝詩老淵源合

祠有懷杜樓仰蘇閣三

徑園亭結構新詞爲蔣故姪若問鄒膝溝溢事廉車我媿澤如春

先生於乾隆乙卯歲任兗沂曹濟兵備道適阮督部
元視學山左諸名士會萃一方多文讌唱酬之作曾
刊濟上停雲集板存黃司馬易家未及攜歸甲戌歲
從蔣明府因培索得一本茲將集中先生詩錄出並
錄和作庚申辛酉間主講詁經精舍時所作亦附焉
編爲第四卷仍名停雲集紀勝會也凡古今詩七十
六首從子培襄慶謹識

吾師淵如先生未登第以前所爲詩畢弇山督部某
入吳會英才集者蓀童時卽已熟誦大抵原本六朝
而出入昌谷玉谿之間七古縱橫跌宕一時與洪稚
存黃仲則兩先生並稱鉅手中年以後覃精漢學校
勘羣籍袁簡齋太史以爲遁入攷據至貽書相責不
知先生之詩之工猶夫少日也自古詩人無不博通
經史者杜云讀書破萬卷下筆如有神韓云凡爲文
章宜畧識字迄今二家之集具在其徵引未嘗不富
攷覈未嘗不精正不得謂長攷據者必不能爲詞章
也蓀及伯兄思敬受業先生門下十餘年來備聞緒
論客春重遊金陵尤得朝夕過從竊幸得遂所願何

圖小別未久而先生遽歸道山梁木之傷何能自己
茲難弟南麓先生屬龔子少山編次遺集命蓀以校
讎之役謹識數語以誌天下之讀先生之詩者嘉慶
戊寅夏六月受業海寧楊文蓀拜跋